

COV LUS TSEEM CEEB HEEV

QHIA TXOG KEV TSHAWB NRHIAV LUB KEEB KWM YAV DHAU LOS NTAWM COV NEEG UAS TUS LWM TUS

Txoj cai tseem kom lub Community Care Licensing Division yuav tsum tshawb nrhiav lub keeb kwm yav dhau los ntawm txhua tus neeg uas tau thov ntawv lais xees los qhib qhov chaw tus neeg (community care facility) seb lawv puas tau ua phem/txhaum. Peb kuj tshawb nrhiav txog txhua tus neeg xav ua hauj lwm, nyob ua ke hauv lossis tuaj ntsib cov neeg nyob rau hauv qhov chaw tus neeg.

Kev tshawb nrhiav lub keeb kwm yav dhau los (background check) yog dabtsi?

Ib yam ntawm txoj kev tshawb nrhiav yog koj yuav tsum mus nias ntiv tes thiab qhia seb koj puas tau ua txhaum, dua li tej kev txhaum me me ntawm kev tsav tsheb. Lub Koom Haum Kev Ncaj Ncees (Department of Justice) thiab FBI yuav tshawb koj cov ntawv nias tes piv rau lawv cov ntaub ntawv kev txhaum. Yog koj yuav ua hauj lwm nrog menyuam, koj lub npe yuav raug piv rau cov neeg uas tau ua phem rau menyuam cov npe (Child Abuse Central Index registry). Cov npe no yog cov neeg uas tau raug tshaj tawm (reported) tias lawv kuj yuav muaj feem ntawm kev tsis ncaj ncees rau menyuam. Yog koj tsis tau raug txhaum (conviction) thiab tsis tau muaj kev tsis ncaj ncees rau menyuam, ces luag yuav tso cai "clearance" rau koj.

Yog tias kuv ho muaj kev phem/txhaum ne?

Yog koj tau ua txhaum lawm, dua li tej kev txhaum me me ntawm kev tsav tsheb, txawm tias twb tau ntev lawm los xij, koj yuav tsis muaj cai ua tus tswv, nyob rau hauv lossis ua haujlwm (txawm yog pab dawb xwb los xij) rau hauv chaw tus neeg yog tias peb tsis tau muab daim ntawv zam txim "exemption" rau koj. Yog lub Koom Haum Kev Ncaj Ncees ceeb toom tuaj rau peb tias koj tau ua txhaum lawm, peb yuav ceeb toom rau tus tswv ntawm chaw tus neeg tias koj yuav tsum tau daim ntawv zam txim. Yog koj muaj kev txhaum loj lossis luag tseem saib koj (supervised probation) tom qab uas koj muaj tej kev txhaum lawm, tej zaum koj yuav tsis tau txais daim ntawv zam txim.

Koj yuav tsis tau txais daim ntawv zam txim yog tias koj tau ua txhaum loj xws li ua tub sab, qhuab yuam, coj tsis ncaj rau menyuam (child abuse), coj tsis ncaj rau cov laus (elder abuse) losyog cov neeg xiam oob qhab (dependant adult abuse), mos neeg (rape), tsoo luag vajtse (first degree burglary), hlawv vajtse, lossis nyiag tib neeg. Tej kev txhaum loj no yog **yam zam txim tsis tau thiab yog koj tau ua ib yam txhaum no lawm, los ntawm txoj cai, luag yuav tsis pub koj nkag mus rau/nyob hauv lub chaw tus neeg.**

Yog muaj kev txhaum lawm, kuv yuav ua li cas thiaj tau daim ntawv zam txim?

Ib yam ntawm txoj kev thov zam txim, tus tswv lossis koj yuav tau xa tej ntaub ntawv tuaj rau peb tias txawm koj muaj kev txhaum los koj yeej yog neeg zoo. Peb mam saib tej ntaub ntawv no thiab seb koj muaj kev txhaum pes tsawg zaus, yam twg, thaum twg, yuav ua yam hauj lwm twg, seb yuav ua hauj lwm nrog menyuam, cov neeg muaj hnuv nyoog lossis cov laus. (*Koj tsis tham yuav xa tej kev txhaum ntawm yeeb dawb (marijuana) uas muaj nyob hauv txoj cai Health and Safety Code section 11361.5 and 11361.7*). Yog peb nrhiav pom tias hauv cov ntaub ntawv koj tsis qhia qhov tseeb, ces peb yuav **tsis** muab daim ntawv zam txim rau koj. Feem ntau, koj yuav tsis tau txais daim ntawv zam txim yog koj tseem nyob hauv kev saib xyuas (supervised probation) lossis kev tso koj los ntxov (parole). Yog koj tsis tau txais daim ntawv zam txim, thiab koj muaj pojniam/txiv, lossis nyob nrog tus neeg yuav thov ntawv lais xees tus neeg hauv neb lub tsev, ces nws yuav tsis tau txais nws daim lais xees ib yam nkaus vim tias txhua tus neeg nyob ua ke hauv tsev yuav tsum muaj daim ntawv tso cai losyog daim ntawv zam txim. Yog koj tau txais daim ntawv zam txim lawm tiam sis lwm hnuv koj ho khiav rau lwm qhov lawm, lossis koj ho xav ua hauj lwm rau lwm qhov chaw tus neeg, peb yuav rov saib koj cov ntaub ntawv dua seb koj txoj hauj lwm tshiab yog li cas, thiab saib peb cov kev li ke cai tshiab. Yog tom qab peb muab daim ntawv zam txim rau koj lawm es koj ho mus ua txhaum, tej zaum koj daim ntawv yuav raug tshem tawm. Yog koj yuav pojniam/txiv nrog ib tug neeg lossis nrog tus neeg muaj lais xees nyob, thiab nws tus neeg hauv tsev, ces nws daim lais xees kuj muaj cai raug lwg lossis tshem tawm.

Tsim nyog koj yuav tau nyeem cov cai muab lais xees hais txog tej kev txhaum no seb tom qab koj tau ua txhaum lawm, yuav ntev li cas koj thiaj yuav muaj txoj cai thov daim ntawv zam txim. Muaj tej yam kev txhaum yuav siv sij hawm ntev dua li lwm yam kev txhaum. Koj muaj peev xwm nrhiav tau tej kev cai no thiab tej ntaub ntawv hauv peb daim web site ntawm www.cclcd.ca.gov.

Tus txheej txheem thov ntawv zam txim no yuav siv sij hawm ntev li cas thiaj tiav?

Yog koj tsis muaj kev txhaum, kev tshawb nrhiav yuav siv li ob peb hnuv xwb. Yog tias koj yuav tsum tau thov daim ntawv zam txim, ces tej zaum yuav siv li peb lub hlis lossis ntev dua thiaj yuav tau.

TEJ NTAUB NTAUV TAB MEEG NTAUV KEV ZAM TXIM NYOB HAUV TXOJ CAI CALIFORNIA PUBLIC RECORD ACT

Yog koj tau raug zam txim lawm, peb yuav muab koj lub npe rau lwm tus yog lawv tuaj noog txog. Yog koj yog tus tswv ntawm lub tsev thiab koj muaj neeg ua hauj lwm, neeg nyob ua ke hauv lossis muaj neeg tuaj pab dawb uas muaj tus tau txais kev zam txim lawm, ces koj qhov chaw tus neeg lub npe yuav muab qhia rau lwm tus yog lawv tuaj noog txog.